



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-385-3/25**
Datum: **30.10.2025. godine**

«Agencija za vodno područje rijeke Save» Sarajevo, rješavajući po zahtjevu pravnog lica „VILSON COMPANY“ d.o.o. Sarajevo PJ Balance Brand, za izdavanje prethodne vodne saglasnosti za ispuštanje tehnoloških otpadnih voda iz pogona za proizvodnju sapuna i deterdženata, planiranih za izgradnju u Tarčinu, na osnovu člana 121. stav 3. Zakona o vodama («Službene novine Federacije BiH, broj 70/06) i člana 218. Zakona o upravnom postupku («Službene novine Federacije BiH», br. 2/98, 48/99 i 61/22) **donosi:**

ZAKLJUČAK

1. Odbacuje se zahtjev podnesen od strane pravnog lica „VILSON COMPANY“ d.o.o. Sarajevo PJ Balance Brand, za izdavanje prethodne vodne saglasnosti za ispuštanje tehnoloških otpadnih voda iz pogona za proizvodnju sapuna i deterdženata, planiranih za izgradnju u Tarčinu, na zemljištu označenom kao k.č. 1853/2 K.O.Tarčin, zbog nepotpunosti dokumentacije te se smatra da zahtjev nije ni podnesen.

Obrazloženje

Pravno lice „VILSON COMPANY“ d.o.o. Sarajevo PJ Balance Brand obratilo se zahtjevom zaprimljenim 09.09.2025. godine na protokol Agencije, za izdavanje prethodne vodne saglasnosti za ispuštanje tehnoloških otpadnih voda iz pogona za proizvodnju sapuna i deterdženata, planiranih za izgradnju u Tarčinu, na zemljištu označenom kao k.č. 1853/2 K.O.Tarčin.

U provedenom postupku, uz zahtjev za izdavanje vodne dozvole dostavljena je sljedeća dokumentacija:

- Opšta dokumentacija;
- Ovjerena kopija Uvjerenja o poreznoj registraciji donesenog od strane Porezne uprave – Kantonalni porezni ured Sarajevo, 01.09.2023. godine;
- Obavještenje o razvrstavanju dijela poslovnog subjekta prema kvalifikaciji djelatnosti broj: 07-28-5-12582/23 od 05.09.2023 godine izdato od strane Službe za statistiku za područje Kantona Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska u skladu s članom 3. i članom 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj: 31/15, 55/19, 41/20 i 63/22) dopisom broj: UP-1/21-1-40-385-2/25 od 15.09.2025.godine u kojem je zatraženo od podnosioca zahtjeva da isti upotpuni u roku od 20 dana od uredno zaprimljenog zahtjeva za dopunu dokumentacije.

Navedenim aktom je tražena sljedeća dokumentacija:

1. Dokaz o uplaćenju upravnoj pristojbi (uplatnica). Upravna pristojba u iznosu od 80 KM uplaćuje se na račun broj: 102-050-00001066-98, otvoren kod „Union banke“ d.d. Sarajevo, vrsta prihoda: 722112 u korist računa janih prihoda federalnog proračuna,
2. Kopiju katastarskog plana izdanu od nadležnog općinskog/gradskog organa uprave sa upisanim podacima o nekretnini, posjedniku i dr.-original ili ovjerena kopija ne stajoga od 6 mjeseci,
3. Zemljišnoknjižni izvadak (izdaje nadležni zemljišno-knjižni ured Općinskog suda)-original ili ovjerena kopija,
4. Mišljenje o usklađenosti planiranih aktivnosti sa dokumentima prostornog uređenja, izdato od strane organa uprave nadležnog za prostorno planiranje,
5. Studiju izrađenu od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») i treba da obradi sva pitanja definisana članom 3. Pravilnika o sadržaju, obliku, uvjetima i načinu izdavanja i čuvanja vodnih akata.

U ostavljenom roku podnosilac zahtjeva nije dostavio traženu dokumentaciju.

Kako podnosioc zahtjeva nije dopunio svoj zahtjev do ostavljenog roka, kao ni do dana donošenja ovog Zaključka, to je u skladu sa članom 121. stav (3) Zakona o vodama i člana 218. Zakona o upravnom postupku rješeno kao u dispozitivu ovog zaključka.

Pouka o pravnom lijeku

Protiv ovog Zaključka može se izjaviti posebna žalba Federalnom ministarstvu poljoprivrede, vodoprivrede i šumarstva – Sarajevo, u roku od 15 dana od dana prijema ovog Zaključka.

Žalba se podnosi neposredno pismeno, usmeno na zapisnik ili preporučeno putem pošte ovoj Agenciji i taksira se sa 15,00 KM takse, prema tarifnom broju 3. Tarife federalnih administrativnih taksi.

Obrađivač akta:

Ahmedić Behija dipl.inž.tehn.

Po ovlaštenju
Rukovodilac Sektora za izdavanje vodnih akata



Nihad Pezo, dipl.inž.grad.

Dostavljeno:

- „VILSON COMPNY“ d.o.o. Sarajevo, Bosanskih Gazija 126, Tarčin, Hadžići
- ⊖ AVP Sava ISV-Vodna knjiga
- Sektor 40-arhiva
- Oglasna Tabla AVP Sava Sarajevo